

Dayegon Ta Ang Ginoo!

Tinigum ni Watson Goodman



Libre — Dili Ibaligya

ATONG DAYEGON ANG GINOO!

Ang Ginoo mihagit kanako sa paggamit balig 15 minutos matag adlaw alang sa pagdayeg lamang Kaniya. Kini akong nakita nga nakahimo kanako nga labawng malipayon ug madaugon nga Kristiano.

Palihog ayaw lamang ug basaha kining libreto. Gamita kini nga usa ka giya alang sa dugang giladmon, kinasingkasing nga pagdayeg ngadto sa atong Kahibulongan, buhing Dios. Pagpili ug mga bahin ning Kasulatan matag buntag ug pabilin sa pagdayeg atubangan sa Ginoo. Himoang makanunayon ang pagdayeg Kaniya, ug batasana diha sa imong kinabuhi.

Duyog sa Magdadayeg Sa Tibuok Kalibutan

Ang Ginoo mihagit kanako sa paghangyo ug usa ka milyon ka mga tawo sa tanang kanasuran sa tibuok kalibutan nga magadayeg Kaniya sulod sa 15 minutos matag adlaw. Atong susihon ang atong panginahanglanon. Unsa pa may mas importante kay sa tibuok nga kasingkasing nga pagdayeg ngadto sa Hari sa mga hari? Buot ka bang mahimong usa sa milyon?

DAYEGON ANG GINOO SA DAKONG KALIPAY!

Managkalipay kamo kang Jehova, ug managmaya kamo, kamo nga mga matarung; ug managhugyaw kamo tungod sa kalipay, ngatanan kamong mga matul-id ug kasingkasing.

—Salmo 32:11

Ug ang pulong sa Ginoo mikaylap sa tibuok kayutaan. Ug ang mga tinun-an napuno sa kalipay ug sa Espiritu Santo.

—Mga Buhat 13:49 ug 52

Aron ang pagkatinuod sa inyong pagtoo, nga labi pang bililhon kay sa bulawan nga ginasulayan pinaagig kalayo bisan tuod kini madugta ra, mosangpot

ngadto sa pagdalayeg ug paghimaya ug pagpasidungog kaninyo inigpadayag na unya kang Jesu-Cristo. Bisan tuod wala kamo makakita kaniya, kamo naghigugma kaniya; ug bisan pa nga karon dili kamo makakita kaniya, kamo nagasálig kaniya ug naganagkalipay sa labihan gayud nianang dili ikaasoyng kalipay ug puno sa himaya.

—1 Pedro 1:7, 8

Mga hinigugma, ayaw kamo paghikurat sa magasilaob nga kalisdanan nga magaabut sa pagsulay kaninyo, nga kaha pagaingnon ninyo nga usa ka talagsaong butang ang nahitabo kanin-

yo. Magkalipay hinoon kamo sumala sa inyong pagpakaambit sa mga kasakit ni Cristo, aron kamo magakalipay usab ug magama-sadyaon inigpadayag na unya sa iyang himaya. —1 Pedro 4:12, 13

“Sa ingon niana usab, may

kasakit kamo karon, apan makigkita ra ako kaninyo pag-usab, ug unya ang inyong mga kasingkasing managkalipay, ug wala unyay bisan kinsa nga magakuha sa inyong kalipay gikan kaninyo.”

—Juan 16:22

IPAHLUNA ANG IMONG KASINGKASING NGADTO SA PAGDAYEG SA GINOO

Ug higugmaon mo si Jehova nga imong Dios sa bug-os mong kasingkasing, ug sa bug-os mong kalag, ug sa bug-os mong gahum.

—Deuteronomio 6:5

Pasalamat ko ikaw, Oh Jehova, sa bug-os ko nga kasingka-

sing; Igapakita ko ang tanan nimgong mga buhat nga katingalahan.

—Salmo 9:1

Magahatag ako kanimo sa mga pasalamat uban sa bug-os ko nga kasingkasing: sa atubangan sa mga dios, magaawit ako kanimo

ug mga pagdayeg. Magasimba ako patumong sa imong templo nga balaan, ug magahatag ako ug mga pasalamat sa imong ngalan, tungod sa imong mahigugmaong-kalolot ug sa imong kamatuoran: kay gipadaku mo ang imong pulong ibabaw sa bug-os mong ngalan.

—Salmo 138:1, 2

Dayegon mo si Jehova, Oh kalag ko; ug ang tanan nga ania sa sulod nako dayega ninyo ang iyang balaan nga ngalan.

—Salmo 103:1

“Ang maayong tawo, gikan sa maayong bahandi sa iyang kasingkasing, magapagulang maayo.”

—Lucas 6:45a

Pagsinultihay kamo, ang usa sa

usa, sa mga pulong sa mga salmo ug sa mga alawiton ug sa mga awit nga espirituhanon, nga manag-awit ug managtogtog nga magadayeg sa Ginoo uban sa bug-os ninyong kasing-kasing.

—Efeso 5:19

*Kining Tawhana Nagpahiluna
Sa Iyang Kasingkasing
Diha Niini*

Ug iyang gikuptan siya sa toong kamot ug gialsa; ug dihadhiha nabaskog ang iyang mga tiil ug mga buolbuol. Ug sa pag-ugpo pa niya, siya nakatindog ug nakalakaw; ug kuyog kanila siya misulod sa templo nga naglakaw ug nagluksolukso ug nagdayeg sa Dios.

—Mga Buhat 3:7, 8

ANG MGA BUNGA SA PAGDAYEG

Ang Dios Nagpuyo Diha Sa Mga Pagdayeg

Apan ikaw balaan man, Oh ikaw nga nagapuyo sa taliwala sa mga pagdayeg sa Israel.

—Salmo 22:3

Aron Magmalipayon Ug Magmabungahon, Padayona Ang Pagdayeg Samtang Naghulat sa Dios

Sa Sion ang pagdayeg naghulat kanimo, Oh Dios.

—Salmo 65:1a

Umari kamo, manag-awit kita alang kang Jehova; himoon nato ang usa ka malipayong hugyaw

alang sa bato sa atong kaluwasan. Mangadto kita sa atubangan sa iyang presencia uban ang pagpasalamat; himoon ta ang usa ka malipayong hugyaw alang kaniya uban ang mga alawiton sa mga salmo.

—Salmo 95:1, 2

Una ang Pagdayeg, Ang Grasya Nagsunod

Padayega kanimo ang mga katawohan, Oh Dios; padayega ang tanang mga katawohan kanimo. Ang yuta nagahatag sa iyang bunga; ang Dios, bisan ang atong kaugalingong Dios, magapanalangin kanato. —Salmo 67:5, 6

Ang Pagdayeg Tambal sa Kahadlok

Kay kita wala sa Dios hatagig espiritu sa katalaw kondili sa espiritu sa gahum ug sa gugma ug sa pagpugong sa kaugaligon.

—2 Timoteo 1:7

Ang Pagdayeg Usa Ka Kristohanon nga Sakripisyo; Itunol ang Imong Kaugaligon Niini

Ug pinaagi kaniya himoon ta sa kanunay ang halad sa pagdayeg ngadto sa Dios, sa ato pa, sa bunga sa mga ngabil nga nagaila sa iyang ngalan. —Mga Hebreohanon 13:15

ANG LANGIT NAPUNO SA MGA PAGDAYEG

Dayegon ninyo si Jehova. Dayegon ninyo si Jehova gikan sa kalangitan: dayegon ninyo siya diha sa mga kahitas-an. Dayegon ninyo siya, kamong tanang mga manolonda: dayegon ninyo siya, kamong tanang mga panon niya.

Dayegon ninyo siya, adlaw ug bulan: dayegon ninyo siya, kamong tanang kabitoonan sa kahayag. Dayegon ninyo siya, kamong mga langit sa kalangitan, ug kamong katubigan nga anaa sa ibabaw sa kalangitan. Ipapagdayeg kanila

ang ngalan ni Jehova; kay siya nagsugo, ug sila nangahimo. Iya usab nga gitukod sila hangtud sa mga katuigan nga walay katapusan: gibuhat niya ang usa ka pahibalo nga dili mahanaw. Ipapagdayeg kanila ang ngalan ni Jehova; kay ang iyang ngalan lamang mao ang gibayaw; ang iyang himaya maoy labaw sa yuta ug sa kalangitan. —Salmo 148:1-6 ug 13

Dayegon ninyo si Jehova, kamo nga mga manolonda niya, nga mga gamhanan sa kalig-on nga nanagtuman sa iyang pulong, nga nanagpatalinghug sa tingog sa iyang pulong. —Salmo 103:20

Padayega kaniya ang langit ug

ang yuta, ang kadagatan, ug ang tanang mga nagalihok diha kanila. —Salmo 69:34

Mao Nga Ikaw Giluwas

Busa alang kaninyo nga mga nanagsálig. Apan kamo maoy usa ka kaliwatan nga pinili, ang kahugpungan sa mga harianong sacerdote, ang nasud nga balaan, ang katawhan nga iyang kaugalingon sa Dios, aron kamo magamantala sa kahibulongang mga buhat niya nga nagtawag kaninyo gikan sa kangitngit ngadto sa iyang katingalahang kahayag. Kaniadto kamo dili mga katawhan sa Dios, apan karon kamo mga katawhan na sa Dios.

—1 Pedro 2:7a, 9, 10a

ANG MATAG USA GIIMBITAR NGADTO SA IYANG KORO NGA MAGDADAYEG

Oh pagakpaka ninyo ang inyong mga kamot, ngatanan kamong katawohan; managhugyaw kamo ngadto sa Dios uban ang tingog sa pagdaug. Manag-awit ug mga pagdayeg ngadto sa Dios, manag-awit ug mga pagdayeg: manag-awit ug mga pagdayeg ngadto sa atong Hari, manag-awit ug mga pagdayeg. Kay ang Dios mao ang Hari sa tibook nga yuta.
—Salmo 47:1 ug 6, 7a

Managhimo kamo ug usa ka malipayong kagahub ngadto sa Dios, tibook nga yuta. Ang tibook nga yuta magasimba kanimo, ug

magaawit nganha kanimo; sila magaawit alang sa imong ngalan.
—Salmo 66:1 ug 4

Oh himoa nga ang mga nasud managmaya ug manag-awit sa kapalipay; kay pagahukman mo ang mga katawohan sa matul-id, ug pagaharian mo ang mga nasud sa ibabaw sa yuta.
—Salmo 67:4

Ipapagdayeg sa tagsatagsa nga adunay gininhawa si Jehova. Dayegon ninyo si Jehova.
—Salmo 150:6

*Dayega Siya Tungod sa Kalooy
ug Kamatuoran*

Oh panagdayeg kamo kang Je-

hova, ngatanan kamo nga mga nasud; mga katawohan nga tanan, panagdayeg kamo kaniya. Kay ang iyang mahigugmaong-kalolot daku alang kanato; ug ang kama-tuoran ni Jehova nagalungtad sa

walay katapusan. —Salmo 117:1, 2

Kay ang pulong ni Jehova matulid man; ug ang tanan niya nga buhat sa pagkamatinumanon gibuhat. —Salmo 33:4

DAYEGA ANG GINOO SA IYANG IYANG PAGKASIYA

Unya ang katawohan nangalipay tungod niana sila nanghatag sa kinabubut-on, tungod kay uban sa usa ka hingpit nga kasing-kasing sila nanghatag kang Jehova sa kinabubut-on: ug si David nga hari nalipay usab sa usa ka dakung kalipay. Tungod niini si Jehova gidayeg ni David sa atubangan sa tibook katiling-

ban ug si David miingon: Dalayegon ikaw Oh Jehova, ang Dios sa Israel nga among amahan, sa gihapon ug sa walay katapusan. Imo, Oh Jehova, ang pagkadaku, ug ang gahum, ug ang himaya, ug ang pagdaug, ug ang pagkahalangdon: kay ang tanan nga anaa sa kalangitan ug ang anaa sa yuta imo; imo man ang gingharian, Oh

Jehova, ug ikaw ang gipahitaas ingon nga pangulo ibabaw sa tanan. Mga pagkadato ug kadunganan nagagikan kanimo, ug ikaw nagagahum ibabaw sa tanan; ug sa imong kamot anaa ang kagahum ug kusog; ug sa imong kamot mao ang pagpadaku, ug paghatag ug kusog sa tanan. Busa karon, Dios namo, kami nagapasalamat kanimo, ug nagadayeg sa imong mahimayaong ngalan.

—1 Mga Cronicas 29:9-13

Balaan, balaan, balaan, si Jehova sa mga panon: ang tibook nga yuta napuno sa iyang himaya.

—Isaias 6:3b

Oh Jehova, ikaw mao ang akong Dios; ituboy ko, ikaw,

pagadayegon ko ang imong ngalan; kay nakahimo ka ug mga butang nga katingalahan, ang imong mga pagtambag sa karaang panahon, sa pagkamatinumanon ug sa kamatuoran. —Isaias 25:1

Ug nakita ko ang daw morag usa ka dagat nga bildo nga sinaktan ug kalayo, ug sa daplin niining dagat nga bildo ang mga nanagpakadaug batok sa mapintas nga mananap ug sa iyang lara-wan ug sa numero sa iyang ngalan, nanagtindog sila nga may mga alpa sa Dios diha sa ilang mga kamot. Ug sila nanag-awit sa awit ni Moises, nga ulipon sa Dios, ug sa awit sa Cordero, nga nagaingon, “Daku ug kahibu-

longan ang imong mga buhat, O Ginoong Dios nga Makagagahum sa Tanan! Matarung ug matuod ang imong mga paagi, O Hari sa kapanahonan! Kinsa bay dili mahadlok ug dili magahimaya sa imong ngalan, O Ginoo? Kay ikaw mao lamang ang bugtong nga balaan. Ang tanang kanasuran mangabut ug managsimba kani-mo, kay gikapadayag na man ang imong mga hukom.”

—Pinadayag 15:2-4

Sa atubangan sa Dios nga naga-hatag ug kinabuhi sa tanang mga butang, ug ni Cristo Jesus nga sa iyang pagpanghimatuod sa atubangan ni Poncio Pilato naghimo sa maayong pagsugid, ako maga-

tugon kani-mo nga imong banta-yan ang sugo nga mahigawas kini sa buling ug mahigawas sa mga pagsaway hangtud sa pagtungha sa atong Ginoong Jesu-Cristo; ug unya sa gitagal nga panahon kini igapadayag ra sa dalaygon ug bugtong Makagagahum, ang Hari sa mga hari ug Ginoo sa mga ginoo, nga mao lamang ang bugtong nga dili mamatay ug naga-puyo sa kahayag nga dili maduol, nga wala makita ug dili arang makita sa tawo. Kaniya ang pasidungog ug dayon nga panggahum. Amen.

—1 Timoteo 6:13-16

Ug sa diha nga ang mga buhing binuhat magahatag ug himaya ug pasidungog ug pasalamat ngadto

kaniya nga nagalingkod sa trono, nga mao ang buhi hangtud sa kahangturan, ang kaluhaag-upat ka mga anciano mohapa sa atubangan niadtong nagalingkod sa trono ug managsimba kaniya nga mao ang buhi hangtud sa kahangturan; ug ang ilang mga purong-purong ipangitsa nila ngadto sa atubangan sa trono, dungan sa pag-awit nga magaingon, “Takus ikaw, O among Ginoo ug Dios, sa pagdawat sa himaya ug dungog ug gahum, kay ikaw mao man ang nagbuhat sa tanang butang, ug pinaagi sa imong pagbulot-an milungtad ug nangahimo sila.”

—Pinadayag 4:9-11

Tapus niini mitan-aw ako, ug

ania karon, dihay usa ka dakung panon sa katawhan nga walay bisan kinsa nga makaihap, gikan sa tanang kanasuran, gikan sa tanang kabanayan ug katawhan ug pinulongan, nga sa atubangan sa trono ug sa atubangan sa Cordero nanagtindog sila nga nanagsul-ob ug maputi ug tag-as nga mga bisti, ug nanagdalog mga palwa sa palmera diha sa ilang mga kamot, ug nanagsinggit sa makusog nga tingog nga nag-ingon, “Ang kaluwasan gikan sa atong Dios nga nagalingkod sa trono, ug gikan sa Cordero!” Ug ang tanang mga manolunda nanagtindog nga nanag-alirong sa trono ug sa mga anciano ug sa upat ka mga buhing

binuhat, ug unya mihapa sila sa atubangan sa trono ug ang Dios ilang gisimba nga nanag-ingon, “Amen! Ang pagdalayeg, ug ang himaya, ug ang kaalam, ug ang

pagpasalamat, ug ang kadunggan, ug ang pagbulot-an ug ang kagahum ipahinungod ngadto sa among Dios hangtud sa kahang-turan! Amen.” —Pinadayag 7:9-12

DAYEGA ANG IYANG DILI MATUKIB NGA KAGAMHANAN

Daku man si Jehova, ug takus gayud nga pagadayegon; ug ang iyang pagkadaku dili gayud matukib. Ang imong mga buhat igasugid nga may pagdayeg sa mga kaliwatan ngadto sa mga kaliwatan, ug magamantala sa imong mga gamhanang buhat. Mahitungod sa katahum sa himaya sa

imong pagkahalangdon, ug sa imong mga buhat nga kahibulungan, magapalandong ako. Ug ang kagahum sa imong makalilisang nga mga buhat pagasultihan sa mga tawo; ug igapahayag ko ang imong pagkagamhanan. Ilang pagahisgutan ang handumanan sa imong dakung kaayohan,

ug manag-awit sa imong pagkamatang. Puno sa gracia ug maloloy-on si Jehova; mahinay sa pagkasuko, ug daku sa mahigugmaong-kalolot. Si Jehova maayo sa ngatanan; ug ang iyang mga malomong kalooy anaa sa ibabaw sa tanan niyang mga buhat. Ang tanan mong mga buhat managpasalamat kanimo, Oh Jehova; ug ang imong mga balaan managdayeg kanimo. Sila managsulti mahitungod sa himaya sa imong gingharian, ug managhisgut mahitungod imong gahum; aron nga ang imong mga buhat nga gamhanan igapadayag ngadto sa mga anak sa mga tawo, ug ang himaya sa pagkahalangdon sa iyang ging-

harian. Ang imong gingharian maoy gingharian nga walay katapusan, ug ang imong ginsakpan magapadayon ngadto sa tanang mga kaliwatan. —Salmo 145:3-13

Imo, Oh Jehova, ang pagkada-ku, ug ang gahum, ug ang himaya, ug ang pagdaug, ug ang pagkahalangdon: kay ang tanan nga anaa sa kalangitan ug ang anaa sa yuta imo. —1 Cronicas 29:11a

Dayegon ninyo si Jehova. Dayega ang Dios nga anaa sa iyang balaang puluy-anan: dayega siya diha sa kalangitan sa iyang gahum. Dayega siya tungod sa iyang mga buhat nga gamhanan: dayega siya sumala sa iyang labaw nga pagkahalangdon. —Salmo 150:1, 2

DAYEGA SIYA TUNGOD SA IYANG TRONO UG GAHOM

Ang imong trono, Oh Dios, alang sa mga katuigan nga walay katapusan: usa ka baras sa katulid mao ang baras sa imong gingharian. —Salmo 45:6

Mao kini ang giingon ni Jehova: Ang langit mao ang akong trono, ug ang yuta mao ang akong tumbanan. —Isaias 66:1a

“Apan magaingon ako kaninyo, Ayaw gayud kamo pagpanumpa, bisan pa kon tungod sa langit, kay kini mao ang trono sa Dios.” —Mateo 5:34

Gitukod ni Jehova ang iyang trono didto sa kalangitan; ug ang

iyang gingharian nagagahum sa ibabaw sa tanan. Dayegon ninyo si Jehova, kamo nga mga manolonda niya, nga mga gamhanan sa kalig-on nga nanagtuman sa iyang pulong, nga nanagpatalinghug sa tingog sa iyang pulong. Dayegon ninyo si Jehova, ngatanan kamong mga panon niya, kamong mga alagad niya, nga nagbuhat sa iyang kabubut-on. Dayegon ninyo si Jehova, kamong tanan niyang mga binuhat, sa tanang mga dapit sa iyang gingharian: dayegon mo si Jehova, Oh kalag ko. —Salmo 103:19-22

Ug unya nakita ko ang usa ka dakung trono nga maputi ug ang naglingkod niini, gikan sa kang kinsang atubangan ang yuta ug ang kalangitan nanagpangalagiw, ug walay dapit nga hingkaplagan

alang kanila. —Pinadayag 20:11

Si Jesus mitan-aw kanila ug mi-
ingon kanila, “Sa tawo, dili kini
mahimo; apan sa Dios ang tanan
mahimo.” —Mateo 19:26

DAYEGA SIYA TUNGOD SA IYANG HIMAYA

Ug ang panagway sa himaya ni Jehova ingon ug usa ka kalayo nga nagaut-ut sa kinatumyan sa bukid, sa mga mata sa mga anak sa Israel. —Exodo 24:17

Dalayegon si Jehova nga Dios, ang Dios sa Israel, nga mao lamang ang nagabuhat sa mga katingalahang butang: ug dalayegon ang iyang mahimayaong nga-

lan sa walay katapusan; ug pagapun-on ang tibook nga yuta sa iyang himaya. Hinaut unta, ug Hinaut unta. —Salmo 72:18, 19

Sumulod ka sa bato, ug tumago ka diha sa abug, gikan sa kalisang kang Jehova, ug gikan sa himaya sa iyang pagkahalangdon. Ang mapahitas-ong panan-aw sa tawo

igapaubos, ug ang kagarbo sa katawohan igapaubos, ug si Jehova lamang maoy igatuboy niadtong adlaw. —Isaias 2:10, 11

Ug ang himaya ni Jehova igapadayag, ug ang tanan nga unod sa tingub makakita niini; kay ang baba ni Jehova nagsulti niini.

—Isaias 40:5

Ang adlaw dili na mao ang i-

mong kahayag sa adlaw; ni tungod sa kahayag modan-ag ang bulan kanimo; apan si Jehova mao ang kahayag nga walay katapusan kanimo; ug ang imong Dios mao ang imong himaya. —Isa. 60:19

“Kay imo ang gingharian, ug ang gahum, ug ang himaya, hangtud sa kahangturan. Amen.”

—Mateo 6:13b

DAYEGA SIYA TUNGOD SA IYANG KADAUGAN

Ang Tanan Diha Ni Kristo Mabuhi Sa Hangtod

Kay maingon nga pinaagi sa usa ka tawo miabut ang kamatayon, pinaagi usab sa usa ka tawo nahiabut ang pagkabanhaw sa

mga patay. Kay maingon nga diha kang Adan ang tanan nangamatay, maingon man usab diha kang Cristo ang tanan mangabuhi. Apan ang matag-usa sa iyang kaugalingong panahon: si

Cristo ang nahauna, ug unya sa iyang pag-anhi, sila nga mga iya ni Cristo. Ug unya magaabut ang katapusan, inigtugyan na niya sa gingharian ngadto sa Dios ug Amahan, tapus niya mawagtang ang tanang pamuno-an ug tanang kamandoan ug kagahum. Kay kinahanglan magahari siya hangtud nga ang tanang mga kaaway niya ikabutang na niya diha sa ilalum sa iyang mga tiil. Ug ang katapusang kaaway nga pagalaglagon mao ang kamatayon.

—1 Mga Taga-Corinto 15:21-26

Palagputon Si Satanas Sa Katapusan

“Ug karon mao na ang paghu-

kom niining kalibutana, karon palagputon na ang punoan niining kalibutana.” —Juan 12:31

Ug gitambog ang dakung dragon, ang sirpinti nga karaan, ang ginganlag Yawa ug Satanas, ang maglilimbong sa tibuok kalibutan—siya gitambog ngadto sa yuta. —Pinadayag 12:9a

Ug ang yawa nga nagpahisalaag kanila gitambog ngadto sa linaw nga kalayo ug asupri diin atua na ang mapintas nga mananap ug ang mini nga profeta, ug didto pagasakiton sila sa adlaw ug sa gabii hangtud sa kahangturan. —Pinadayag 20:10

DAYEGA SIYA TUNGOD SA IYANG LABAW NGA KAMANDOAN

Aron sila makaila nga ikaw lamang, kansang ngalan mao si Jehova, ikaw lamang ang Hataas Uyamut ibabaw sa tibook nga yuta. —Salmo 83:18

Si Jehova mopatay, ug mobanhaw: siya mobanlud ngadto sa Sheol ug mobayaw sa itaas. Si Jehova mohimo sa tawo nga kabus, ug magapadato: siya magapaubos sa tawo, siya usab magabayaw. Siya magabangon sa kabus gikan sa abug, iyang gituboy ang hangul gikan sa kalibangan, aron sa pagpalingkod kanila uban sa mga principe, ug manunod sa tro-

no sa himaya: Kay ang mga haligi sa yuta iya ni Jehova, ug iyang gitungtong ang kalibutan sa ibabaw nila. —1 Samuel 2:6-8

Kay ikaw, Oh Jehova, mao ang hataas uyamut ibabaw sa tibook nga yuta: ikaw mao ang nabayaw sa labing hataas gayud ibabaw sa tanang mga dios. —Salmo 97:9

Si Jehova nagahari; nagabisti siya sa pagkahalangdon; nagabisti si Jehova sa pagkaligon; gibaksan niya ang iyang kaugalingon niini: Gilig-on niya usab ang kalibutan, nga kini dili matarug. Gilig-on ang trono mo sa ka-

karaan: Ikaw mao ang gikan sa walay katapusan. —Salmo 93:1, 2

Kay nahisulat kini nga nagaingon: “Maingon nga ako buhi,

nagaingon ang Ginoo, ang tanang tuhod magaluhod sa atubangan ko, ug ang tanang dila magadayeg sa Dios.”

—Mga Taga-Roma 14:11

ANG ATONG LABAW NGA DIOS GIBAYAW

Humilum kamo ug ilhon ninyo nga ako mao ang Dios. Pagabayawon ako sa taliwala sa mga nasud, pagabayawon ako dinhi sa yuta. —Salmo 46:10

Si Jehova labing labaw sa tanang mga nasud, ug ang iyang himaya ibabaw sa kalangitan.

—Salmo 113:4

Pagabayawon ka, Oh Jehova, diha sa imong kusog: sa ingon

niini kami magaawit ug magadayeg sa imong gahum.

—Salmo 21:13

Bayawa ninyo si Jehova nga atong Dios, ug managsimba kamo didto sa tumbanan sa iyang mga tiil: balaan man siya. —Salmo 99:5

Si Jehova ginabayaw, kay siya nagapuyo sa kahitas-an: gipuno niya ang Sion uban sa justicia ug pagkamatarung. —Isaias 33:5

Igatuboy ka, Oh Dios, sa ibabaw sa mga langit; sa ibabaw sa tibook nga yuta ibutang ang imong himaya. —Salmo 57:11

Kay kini mao ang giingon sa hataas ug sa Usa nga halangdon nga nagapuyo sa walay katapusan, kansang ngalan mao ang Balaan:

ako nagapuyo sa hataas ug balaan nga dapit, uban kaniya usab nga adunay usa ka espiritu nga mahinulsolon ug mapainubsanon, aron sa pagpabuhi sa espiritu sa mapaubsanon, ug aron sa pagpabuhi sa kasingkasing sa mahinulsolon. —Isaias 57:15

DAYEGA SIYA TUNGOD SA IYANG LABAW NGA PAGPANAG-IYA

Busa karon, kong kamo magapatalinghug gayud sa akong tingog, ug magabantay kamo sa akong tugon, nan kamo mamahimo nga akong kaugalingon nga bahandi gikan sa kinataliwad-an sa tanang mga katawohan: kay ang

tibook nga yuta, ako man.

—Exodo 19:5

Ug ang yuta dili igabaligya nga sa walay katapusan, kay ang yuta ako man: kay kamo mga lumalangyaw, ug mga dumuloong uban kanako. —Levitico 25:23

**Kay ang tanan nga anaa sa ka-
langitan ug ang anaa sa yuta imo;
imo man ang gingharian, Oh Jeho-
va, ug ikaw ang gipahitaas ingon
nga pangulo ibabaw sa tanan.
Apan kinsa man ako, ug unsa ang
akong katawohan, nga kami mahi-
mong takus sa paghalad sa kina-
bubuton sa ingon niini? kay ang
tanan nga butang gikan kanimo,
ug sa imong kaugalingon kami
naghatag kanimo.**

—1 Mga Cronicas 29:11b ug 14

**Nga iyang gipalihok diha kang
Cristo, sa iyang pagbanhaw kani-
ya gikan sa mga patay ug sa pag-
palingkod kaniya diha sa iyang**

**too sulod sa mga langitnong da-
pit, ibabaw sa tanang pamunoan
ug pagbulot-an ug gahum ug kagi-
noohan, ug ibabaw sa tanang nga-
lan nga ginangalan, dili lamang
niining kapanahonan karon kondi-
li usab niadtong umalabut; ug si-
ya nagpahiluna sa tanang mga
butang aron mahisakop ilalum sa
iyang mga tiil ug naghimo kaniya
nga ulo ibabaw sa tanang mga bu-
tang alang sa iglesia.**

—Mga Taga-Efeso 1:20-22

**Kay gipalit na kamo sa usa ka
bili. Busa himayaa ninyo ang Dios
diha sa inyong lawas.**

—1 Mga Taga-Corinto 6:20

DAYEGA SIYA NGA SIYA ANG GINOO

Ikaw si Jehova, bisan ikaw lamang; ikaw ang nagbuhat sa langit, ang langit sa kalangitan, lakip ang tibook nilang panon, sa yuta ug sa tanang mga butang nga anaa sa ibabaw niana, sa mga dagat ug sa tanang anaa kanila, ug ikaw nagbantay kanilang tanan; ug ang panon sa langit nagsimba kanimo. —Nehemias 9:6

Pagadayegon ko ikaw, Oh Ginoo nga Dios ko, uban sa bug-os ko nga kasingkasing; ug pagahimayaon ko ang imong ngalan sa walay katapusan. —Salmo 86:12

Ako mao si Jehova, kini mao ang akong ngalan; ug ang akong

himaya dili nako igahatag sa uban, ni ang akong pagdayeg sa mga linilok nga mga larawan.

—Isaias 42:8

Si Jesu-Kristo Ang Ginoo

Apan, alang kanato adunay usa lamang ka Dios, ang Amahan, nga ginikanan sa tanang mga butang ug nga alang kang kinsa kita nanaglungtad; ug usa lamang ka Ginoo, si Jesu-Cristo pinaagi kang kinsa nagalungtad kita ug ang tanang mga butang.

—1 Mga Taga-Corinto 8:6

“Busa, ang tibook banay sa Israel kinahanglan masayud sa tininuod gayud nga sa Dios si Jesus

gihimong Ginoo ug Cristo, ang Jesus nga inyong gilansang sa krus.”

—Mga Buhat 2:36

Ug ang tanang dila magasugid nga Ginoo si Jesu-Cristo, alang sa pagdalayeg sa Dios nga Amahan.

—Mga Taga-Filipos 2:11

HIMAYAA ANG DIOS PINAAGI SA PAGDAYEG

Bisan kinsa nga magahalad sa halad-sa-pasalamat nagahimaya kanako; ug kaniya nga magamat-
ngon sa iyang dalan sa pagkatulid igapakita ko ang kaluwasan sa Dios.

—Salmo 50:23

Pagadayegon ko ang ngalan sa Dios uban sa usa ka awit, ug pagapadakuon siya uban sa pagpasalamat.

—Salmo 69:30

Ikaw mao ang akong Dios, ug kanimo magapasalamat ako: ikaw

mao ang akong Dios, igapahitaas ko ikaw.

—Salmo 118:28

Mga Kristiyanos Maghugpong Sa Pagdayeg

Aron nga pinaagi sa usa ka tingog managkahiusa kamo sa paghimaya sa Dios ug Amahan sa atong Ginoong Jesu-Cristo.

—Mga Taga-Roma 15:6

Ihatag ninyo kang Jehova ang himaya nga angay sa iyang ngalan; simbaha ninyo si Jehova sa

katahum sa pagkabalaan.

—Salmo 29:2

Kamo nga nahadlok kang Jehova, dayegon ninyo siya; ngatanan kamo nga kaliwat ni Jacob, himayaon ninyo siya; ug tumindog sa kataha tungod kaniya, ngatanan kamo nga kaliwat sa Israel.

—Salmo 22:23

Ang tawo nga magasulti, kina-

hanglan magasulti siya ingon sa sinultihan sa pulong sa Dios; ang tawo nga magaalagad, kinahanglan magaalagad siya ingon nga may gahum nga hinatag sa Dios; aron nga sa tanang butang ang Dios pagahimayaon pinaagi kang Jesu-Cristo, kang kinsa ang himaya ug ang panggahum hangtud sa kahangturan. Amen. —1 Pedro 4:11

IPADAYAG ANG IYANG HIMAYA UG KAGAMHANAN

Ipahayag ang iyang himaya sa taliwala sa mga nasud, sa taliwala sa tanang mga katawohan ang iyang mga katingalahang buhat. Kay daku si Jehova, ug takus sa labing daku nga pagdayeg: siya

takus pagakahadlokan ibabaw sa tanang mga dios. —Salmo 96:3, 4

Igatuboy ka, Oh Dios, ibabaw sa mga langit; sa ibabaw sa tibook nga yuta ibutang ang imong himaya. —Salmo 57:5

Oh, Ginoong Jehova: ikaw nag-sugod sa pagpahayag sa imong ulipon sa imong pagkadaku, ug sa imong kamot nga kusgan; kay un-sa ba nga dios ang anaa sa langit kun sa yuta nga makabuhat su-mala sa imong mga gibuhat ug su-mala sa imong dagkung mga bu-hat? —Deuteronomio 3:24

Awita ninyo ang himaya sa iyang ngalan: himoa ninyo nga mahimayaon ang iyang pagda-yeg. —Salmo 66:2

Managkalipay kamo kang Jeho-va, Oh kamong mga matarung: kay sa mga matul-id matahum ang pagdayeg. —Salmo 33:1

Ang akong kalag magapangan-dak tungod kang Jehova: manag-

patalinghug niini ang mga maag-hup, ug managkalipay sila.

—Salmo 34:2

Ang akong kasingkasing naan-dam na, Oh Dios; magaawit ako, oo, magaawit ako ug mga pagda-yeg, bisan uban sa akong himaya. Pagabayawon ka, Oh Dios, iba-baw sa kalangitan, ug ang imong himaya ibabaw sa tibook nga yu-ta. —Salmo 108:1 ug 5

Oh Jehova nga Ginoo namo, pagkahalangdon sa imong ngalan sa tibook nga yuta, nga gibutang mo ang imong himaya sa ibabaw sa mga langit! —Salmo 8:1

Daku man si Jehova, ug takus gayud nga pagadayegon.

—Salmo 145:3a

DAYEGA ANG DIOS TUNGOD SA IYANG DAKO NGA KATUYOAN

Aron nga pinaagi sa iglesia ang nagkadaiyang kinaadman sa Dios ikapahibalo karon ngadto sa mga punoan ug mga kagamhanan diha sa mga langitnong dapit, sumala sa walay katapusang tuyo nga iyang natuman diha kang Cristo Jesus nga atong Ginoo.

—Mga Taga-Efeso 3:10, 11

Pinaagi kaniya, pinaagi kang kinsa usab kita nahimong panulondon, kita gibut-an nang daan sumala sa katuyoan sa nagpalihok sa tanang mga butang sumala sa laraw sa iyang pagbuot.

—Mga Taga-Efeso 1:11

Bisan sa wala pa mahimugso ang mga bata ug wala pa sila makahimog bisan unsa, maayo o dautan, aron magapadayon ang katuyoan sa Dios sa pagpamilya nga daan, dili pinaagi sa mga buhat kondili pinaagi sa iyang pagtawag. —Mga Taga-Roma 9:11

Si Jehova sa mga panon nanumpa nga nagaingon: Sa pagkamatuod ingon sa akong nahunahuna, ingon niana ang mahitabo: ug ingon sa akong gitinguha, mao man ang mamatuman: Nga pagagub-on ko ang Asiriahanon sa akong yuta, ug sa ibabaw sa

akong kabukiran pagatumban ko siya: unya ang iyang yugo matangtang kanila ug ang iyang palas-anon makuha gikan sa ilang mga abaga. Kini mao ang tuyo

nga ginatinguha sa ibabaw sa ti-book yuta; ug kini mao ang kamot nga ginabakyaw ngadto sa ibabaw sa tanang mga nasud.

—Isaias 14:24-26

DAYEGA ANG DIOS TUNGOD SA IYANG DAKO NGA BUHAT

Sa magapalandong ako sa imong mga langit, sa buhat sa imong mga tudlo, sa bulan ug sa mga bitoon nga imong gibut-an; unsa ba ang tawo, nga ikaw matinagdanon man kaniya? Ug ang anak sa tawo, nga ikaw nagdu-aw man kaniya? —Salmo 8:3, 4

Ang mga langit nagapahayag sa himaya sa Dios; ug ang hawan

nagapadayag sa buhat sa iyang mga kamot. —Salmo 19:1

Aron ikapabati ko ang tingog sa pagpasalamat, ug ikasugilon ko ang tanan nimong mga buhat nga katingalahan. —Salmo 26:7

Daghanan, Oh Jehova nga Dios ko, ang mga katingalahang buhat nga nahimo mo, ug ang imong mga hunahuna nga sa kanunay

nganhi kanamo; dili sila ikapahamutang diha kanimo; kong ako magapahayag ug magasulti tungod kanila, daghan pa sila kay sa maihap. —Salmo 40:5

Mohatag ako ug mga pasalamat kanimo; tungod kay makalili-sang ug kahibulongan uyamut ang pagbuhat kanako: kahibulo-

ngan man ang imong mga buhat; ug kini hibaloan kaayo sa akong kalag. —Salmo 139:14

Dagku ang mga buhat ni Jehova, ginapangita sa tanang mga nahamuot kanila. Dungganon ug halangdon ang iyang buhat; ug ang iyang pagkamatarung nagalungtad sa walay katapusan. —Salmo 111:2, 3

DAYEGA SIYA TUNGOD SA IYANG KABUBUT—ON UG PAAGI

Tungod Sa Iyang Kabubut-on

Dili sa pag-alagad nga linigoy ingon sa magapahimuot sa mga tawo lamang, kondili ingon nga mga ulipon ni Cristo, nga sa kina-

singkasing managtuman sa kabubut-on sa Dios.

—Mga Taga-Efeso 6:6

... kamo, “Kon itugot sa Ginoo, kami mabuhi ug among paga-

buhaton kini o kana.”

—Santiago 4:15b

“Kon tuyoan ni bisan kinsa ang pagbuhat sa kabubut-on sa Dios, nan, iyang mahibaloan kon ang akong gitudlo gikan ba sa Dios.”

—Juan 7:17a

“Kay bisan kinsa nga magabuhat sa kabubut-on sa akong Amahan nga anaa sa langit, mao kana siya ang akong igsoong lalaki ug akong igsoong babaye ug akong inahan.”

—Mateo 12:50

Tungod Sa Iyang Paagi

O ang kahilabihan gayud sa kadagaya ug sa kaalam ug sa kahibalo nga iya sa Dios! Pagkadili

matugkad sa iyang mga paghukom ug pagkadili matukib sa iyang mga paagi!

—Mga Taga-Roma 11:33

Mahitungod sa Dios, ang iyang dalan hingpit man: ang pulong ni Jehova inulay.

—Salmo 18:30a

Kay maingon nga ang mga langit hataas kay sa yuta, mao man ang akong mga dalan labi pang hataas kay sa inyong mga dalan.

—Isaias 55:9a

... nagadayeg ug nagabayaw ug nagapasidungog sa Hari sa langit; kay ang tanan niyang mga buhat kamatuoran man, ug ang iyang mga dalan lonlon justicia.

—Daniel 4:37a

DAYEGA SIYA TUNGOD SA IYANG LABAW NGA NGALAN

Ipahanungod ngadto kang Jehova ang himaya nga angay sa iyang ngalan: pagdala ug halad, ug dumuol ngadto sa iyang mga sawang. Oh managsimba kamo kang Jehova sa katahum sa pagkabalaan: managkurog sa atubangan niya, tibook nga yuta.

—Salmo 96:8, 9

Ug niadtong adlaw kamo magaingon: Pasalamat si Jehova, sangpita ang iyang ngalan, ipahayag ang iyang mga buhat sa taliwala sa mga katawohan, pahibalo nga ang iyang ngalan ginabayaw.

—Isaias 12:4

Ingon sa imong ngalan; Oh Dios, mao usab ang imong pagdayeg ngadto sa mga kinatumyan sa yuta: ang imong toong kamot napuno sa pagkamatarung.

—Salmo 48:10

Kong ikaw dili magbantay sa pagbuhat sa tanan nga mga pulong niini nga Kasugoan nga nahasulat niini nga basahon, nga pagakahadlok mo kining ngalan nga mahimayaon ug makalilisang nga ngalan, **SI JEHOVA NGA IMONG DIOS**; unya pagahimoon ni Jehova nga makapatingala gayud ang imong mga kamatay, ug ang

mga kamatay sa imong kawatiran, bisan pa ang mga kamatay nga dagku, ug mga tagdugay nga molungtud, ug mga sakit nga dautan ug mga tagdugay.

—Deuteronomio 28:58, 59

Ug kini gibuhat niya sulod sa daghang mga adlaw. Apan si Pablo nga gisamokan gayud kaniya, miatubang ug miingon sa espiritu, “Sa ngalan ni Jesu-Cristo, ako nagasugo kanimo sa paggula gikan kaniya.” Ug kini migula diha-diha.

—Mga Buhat 16:18

Ug si Jehova mikanaug sa panganod ug mitindog siya didto uban kaniya, ug nagmantala sa ngalan ni Jehova.

—Exodo 34:5

Tindog ug dayega ninyo si Jehova nga inyong Dios sukad sa walay katapusan hangtud sa walay katapusan; ug dalayegon ang imong mahimayaong ngalan, nga labaw sa tanang panalangin ug pagdayeg.

—Nehemias 9:5b

Ipapagdayeg kanila ang ngalan ni Jehova; kay siya nagsugo, ug sila nangahimo. Ipapagdayeg kanila ang ngalan ni Jehova; kay ang iyang ngalan lamang mao ang gibayaw; ang iyang himaya maoy labaw sa yuta ug sa kalangitan.

—Salmo 148:5 ug 13

Dayegon ninyo si Jehova; kay si Jehova maayo man: panag-awit ug mga pagdayeg sa iyang nga-

lan; kay kini maoy makalilipay.

—Salmo 135:3

Diha sa Dios anaa ang among pagpangandak sa tibook nga adlaw, ug magahatag kami sa among mga pasalamat sa imong ngalan sa walay katapusan. Selah.

—Salmo 44:8

Uban sa usa ka halad-nga-kina-bubut-on, magahalad ako kanimo: magahatag ako ug mga pasalamat sa imong ngalan. Oh Jehova, kay kini mao ang maayo.

—Salmo 54:6

Ug kamo mangaon sa kadagaya ug mangatagbaw, ug managdayeg kamo sa ngalan ni Jehova nga inyong Dios, nga nanalangin sa

dakung kahibulongan kaninyo; ug ang akong katawohan dili na gayud pagapakaulan. —Joel 2:26

Magapasalamat ako kang Jehova sumala sa iyang pagkamatarung, ug magaawit ako sa pagdayeg sa ngalan ni Jehova, ang Hataas Uyamut.

—Salmo 7:17

“Tan-awa, usa ka birhin magasamkon ug magaanak sa usa ka bata nga lalaki, ug ang iyang ngalan pagatawgon Emanuel” (nga ang kahulogan mao kini: Ang Dios uban kanato). —Mateo 1:23

Oh Jehova, nga among Ginoo, pagkahalangdon sa imong ngalan sa tibook nga yuta!

—Salmo 8:9

Tungod niini, ang Dios nagba-

yaw kaniya sa kahitas-an ug mi-
hatag kaniya sa ngalan nga labaw
sa tanang mga ngalan, aron nga
sa ngalan ni Jesus ang tanang tu-
hod magapiko didto sa langit, din-
hi sa yuta ug sa ilalum sa yuta.

—Mga Taga-Filipos 2:9, 10

Oh padakuon ninyo si Jehova
uban kanako, ug usahan ta ang
pagbayaw sa iyang ngalan.

—Salmo 34:3

Padayega sila sa imong daku ug
makalilisang nga ngalan: balaan
man siya.

—Salmo 99:3

Dalayegon ang ngalan ni Jeho-
va sukad karon ngadto sa umala-
but ug sa walay katapusan. Gikan
sa pagsilang sa adlaw ngadto sa
pagsalop niini pagadayegon ang
ngalan ni Jehova.

—Salmo 113:2, 3

UBAN NGA NGALAN NI KRISTO UG TITULO

Ang Iyang Dakong Gahom

Alpa ug Omega-ang

Makagagahom—Pinadayag 1:8

Balaan ug bugtong Magmaman-
do—1 Timoteo 6:15

Kristo ang gahom sa Dios ug ang
kaalam sa Dios

—1 Mga Taga-Corinto 1:24

Emmanuel (Ang Dios ania uban
kanato)—Mateo 1:23

Kristo and Ginoo—Lucas 2:11
Dios—Juan 1:1
Dios sa tibuok kalibutan
—Isaias 54:5
Gobernador—Mateo 2:6
**Pangulo sa Tanang kapangulohan
ug gahom**—Mga Taga-Colosas 2:10
Ako—Juan 8:58
Maghuhukom sa mga buhi ug patay
—Mga Buhat 10:42
Hari sa himaya—Salmo 24:7, 10
**HARI SA MGA HARI UG GINOO SA
MGA GINOO**—Pinadayag 19:16
Ginoo gikan sa langit
—1 Mga Taga-Corinto 15:47
Ginoo sa panon
—Isaias 54:5; Salmo 24:10
Labaw nga Balaan—Daniel 9:24

**Ginoong Dios nga
Makagagahom**—Pinadayag 15:3
Anak sa Dios—Juan 9:35-37
**Kahibulongan, Magtatambag, Dios
nga Gamhanan, Walay Katapu-
sang Amahan, Prinsipe sa Pakig-
dait**—Isaias 9:6
Obispo sa mga kalag—1 Pedro 2:25
Pangandoy sa tanang kanasuran
—Hageo 2:7
Higala sa mga makasasala
—Mateo 11:19
Ang Sulundon nga saksi
—Pinadayag 1:5
Hari sa tibuok kalibutan
—Zacarias 14:9
Ginoo sa tanan—Mga Buhat 10:36

Prinsipe sa mga hari sa kalibutan

—Pinadayag 1:5

Lukat alang sa tanan—1 Timoteo 2:6

Maghuhukom nga matarong

—2 Timoteo 4:8

Manluluwas sa kalibutan

—Juan 4:42

Anak sa tawo—Mateo 8:20

Bato nga gisalikway

—Mateo 21:42

Sa ngalang Manluluwas

Tagmugna sa tunhay nga kaluwasan

—Mga Hebreohanon 5:9

Gasa sa Dios—Juan 4:10

Jesu-Kristo atong Manluluwas

—Tito 3:6

Ginoo sa himaya

—1 Mga Taga-Corinto 2:8

Mesiyas—Juan 1:41

Mesiyas nga Prinsipe—Daniel 9:25

Halad ug sakripisyo

—Mga Taga-Efeso 5:2

Manunubos—Isaias 59:20

Pagkabanhaw ug ang kinabuhi

—Juan 11:25

Manluluwas, Jesu-Kristo

—2 Timoteo 1:10

Kinsa Siya Alang Sa Mga Magtutuo

**Tagmugna ug Maghihingpit sa
pagtuo**—Mga Hebreohanon 12:2

Manlalaban—1 Juan 2:1

Pan gikan sa langit—Juan 6:51

Pan sa kinabuhi—Juan 6:48

Sanga nga matarong

—Jeremias 33:15

Pamanhonon—Mateo 9:15

Pamag-ang nga bato

—Mga Taga-Efeso 2:20

Pangulong Magbalantay sa karnero—1 Pedro 5:4

Pultahan sa karnero—Juan 10:7, 9

Kinabuhing way katapusan

—1 Juan 5:20

Dios ug Manluluwas, Jesu-Kristo

—2 Pedro 1:1

Labawng Pari

—Mga Hebreohanon 3:1

Paglaom sa himaya

—Mga Taga-Colosas 1:27

Hari sa mga santos

—Pinadayag 15:3

Kahayag sa kalibutan—Juan 8:12

ANG DIOS NGA ATONG KATARONG

—Jeremias 23:6

Ginoong Jesus—Mga Buhat 7:59

Tigpataliwala—1 Timoteo 2:5

Mensahero sa kasabutan

—Malaquias 3:1

Prinsipe ug Manluluwas

—Mga Buhat 5:31

Prinsipe sa Kalinaw—Isaias 9:6

Propeta—Lucas 24:19

Espiritung maghahatag ug kinabuhi

—1 Mga Taga-Corinto 15:45

Manunubos—Salmo 19:14

Rosas sa Saron

—Awit ni Salomon 2:1

Tinuod nga Kahayag—Juan 1:9

DAYEGA ANG GINOO TUNGOD SA PULONG SA DIOS

Dinasig sa Dios

Ang tibuok nga Kasulatan gituga sa Dios ug may kapuslanan alang sa pagpanudlo, alang sa pagpamadlong, alang sa pagpanul-id ug alang sa pagmatoto sa pagkamarung. —2 Timoteo 3:16

Nagdala Ug Kinabuhing Dayon Sa Magtutuo

Ang mosalig sa Anak may kinabuhi nga dayon; apan ang dili mosugot sa Anak dili makatila ng kinabuhi, hinonoa ang kapungot sa Dios magapabilin diha kaniya.

—Juan 3:36

Kining mga butanga gisulat ko kaninyo nga nanagpanoo sa nga-

lan sa Anak sa Dios, aron kamo masayud nga kamo nakapanagiya na sa kinabuhing dayon.

—1 Juan 5:13

Apan kining ania gisulat aron motoo kamo nga si Jesus mao ang Cristo, ang Anak sa Dios, ug nga sa pagtoo makabaton kamog kinabuhi diha sa iyang ngalan.

—Juan 20:31

Gamhanan Kaayo

Dili ba ang akong pulong sama sa kalayo? nagaingon si Jehova; ug dili ba sama sa mazo nga naga-dugmok sa bato? —Jeremias 23:29

Kay wala ko igakaulaw ang Maayong Balita, kay kini mao ang

gahum sa Dios alang sa kaluwasan sa matag-usa nga nagatoo.

—Mga Taga-Roma 1:16a

Putli kaayo

Ang tagsatagsa ka pulong sa Dios inulay. —Mga Proverbio 30:5a

Ang mga pulong ni Jehova may mga pulong nga putli.

—Salmo 12:6a

Kini Hingpit

Ang Kasugoan ni Jehova hingpit, nga nagapabag-o sa kalag: ang pagpamatuod ni Jehova matinumanon, nga nagahimo nga maalam sa mga walay-pagtagad.

—Salmo 19:7

Bug-os Nga Kasaligan

“Kay sa pagkatinuod, sultihan ko kamo, nga samtang magalungtad pa ang langit ug ang yuta, walay pagasayloan sa kasugoan bisan usa na lang ka kudlit o usa ka tulpok niini hangtud ang tanan matuman.”

—Mateo 5:18

Atong Sumbanan Sa Kamatuoran

Ug ang Pulong nahimong tawo ug ipon kanamo mipuyo siya nga puno sa grasya ug sa kamatuoran; ug among nakita ang iyang himaya, ang himaya nga ingon sa pagadawaton sa bugtong Anak gikan sa Amahan.

—Juan 1:14

Si Jesus mitubag kaniya, “Ako

mao ang dalan, ug ang kamatu-
oran, ug ang kinabuhi; walay bi-
san kinsa nga makaadto sa Ama-
han, gawas kon pinaagi kanako.”
—Juan 14:6

Ang tanaman malaya, ug ang
kabulakan mapulak, apan ang pu-
long sa Ginoo magapadayon
hangtud sa kahangturan.
—1 Pedro 1:24a, 25

Ang balili nagakalaya, ang bulak
nagakalawos; apan ang pulong sa
Dios nagapabilin sa walay kata-
pusan.
—Isaias 40:8

Ang Atong Kahayag

Ang imong pulong maoy lampa-
rahan sa akong mga tiil, ug kaha-

yag sa akong alagianan.

—Salmo 119:105

Puno Sa Katuyoan

Kay bisan unsay gisulat kaniad-
to, gisulat kini alang sa pagtuon
kanato aron nga pinaagi sa pailub
ug pinaagi sa paglipay gikan sa
mga kasulatan makabaton unta
kitag paglaum.

—Mga Taga-Roma 15:4

Gihigugma Sa Katawhan Sa Dios

Ang imong pulong maulay
gayud sa hilabihan, tungod niana
ang imong alagad nahagugma
niini.

—Salmo 119:140

Maoy Atong Pagkaon

... aron sa pagpahibalo kanimo

nga ang tawo dili mabuhi sa tinapay lamang, kondili sa tagsatagsa ka butang nga magagula gikan sa baba ni Jehova: mabuhi ang tawo.

—Deuteronomio 8:3b

Ug sama sa mga bata nga bag-o pang nahimugso, tinguhaa ninyo ang espirituhanong gatas nga walay sambog, aron nga pinaagi niini kamo managtubo ngadto sa kaluwasan.

—1 Pedro 2:2

Mao Ang Hinagiban

Kay ang pulong sa Dios buhi ug nagalihok nga gamhanan, labi pang mahait kay sa espada nga duhay sulab, ug modulot ngadto sa gitagboan sa kalag ug espiritu, sa mga lutahan ug sa mga kauyokan, ug motugkad sa mga hunahuna ug katuyoan sa kasingkasing.

—Mga Hebreohanon 4:12

TUNGOD SA HAMILI NIYANG DUGO SA PAKIGSAAD

Basaha Ex. 24:6-8 ug Heb. 9

Ang Dugo Ni Kristo Sa Bag-ong Pakigsaad

“Kay kini mao ang akong dugo sa pakigsaad, nga igaula alang sa

daghan sa kapasayloan sa mga sala.”

—Mateo 26:28

... tapus sa panihapon, ang kopa gikuha niya nga nag-ingon, “Kining kopa mao ang bag-ong

pakigsaad diha sa akong dugo. Buhata ninyo kini, sa matag-inom ninyo niini, sa paghandum kana-ko.” —1 Mga Taga-Corinto 11:25

Ang tawo nga makalapas sa kasugoan ni Moises pagapatyon sa walay kukalooy pinasikad sa panghimatuod sa duha o tulo ka mga saksi. Sa inyong paghuna-huna, unsa ka labi pa ka mabugat gayud sa silot nga mahiaguman sa tawo nga magayatak sa Anak sa Dios, ug magapakawalay bili sa dugo sa pakigsaad nga pinaagi niini gibalaan siya, ug magapana-mastamas sa Espiritu sa grasya?

—Mga Hebreohanon 10:28, 29

Karon hinaut nga ang Dios sa kalinaw nga nagbanhaw sa atong Ginoong Jesus, ang dakung magbalantay sa mga karniro, pinaagi sa dugo sa dayon nga pakigsaad.

—Mga Hebreohanon 13:20

“Siya nga mokaon sa akong unod ug moinom sa akong dugo may kinabuhi nga dayon.”

—Juan 6:54a

“Ug sila nakadaug batok kaniya pinaagi sa dugo sa Cordero ug sa pulong sa ilang pagpanghimatuod, tungod kay wala man sila mawili sa ilang mga kinabuhi bisan pag anha sila sa kamatayon.”

—Pinadayag 12:11

DAYEGON ANG GINOO!

Nga Nagpakamatay Ang Akong Dios Tungod Kanako

Ug nahibaloan nato ang gugma pinaagi niini: kay siya mihatag man sa iyang kinabuhi sa pagpakamatay alang kanato.

—1 Juan 3:16a

Siya Ang Nabanhaw Nga Makagagahom

Si Jesus miingon kaniya, “Ako mao ang pagkabanhaw ug ang kinabuhi. Ang mosalig kanako, bisan siya mamatay, mabuhi siya, ug ang tanan nga buhi ug nagsalig kanako dili na gayud mamatay. Motoo ba ikaw niini?”

—Juan 11:25, 26

Iyang Gilukat Ang Akong Kaluwasan

“Tagda ninyo ang inyong kaugalingon ug ang tibuok panon, nga niini ang Espiritu Santo mao ang naghimo kaninyong mga magbabantay, sa pagtagad sa iglesia sa Ginoo nga iyang nabatonan pinaagi sa iyang kaugalingong dugo.” —Mga Buhat 20:28

Gihatagan Niya Akog Bag-ong Pagkatawo

Kamo gikaanak pag-usab, dili sa binhi nga madunot ra, kondili sa binhi nga walay pagkadunot pinaagi sa buhi ug nagapadayong pulong sa Dios. —1 Pedro 1:23

Gawasnon Ako Gikan sa Silot

Busa, sila nga anaa kang Cristo Jesus dili na karon mga hinukman sa silot. —Mga Taga-Roma 8:1

Manununod Ako Sa Way Katapusang Bahandi

...mga manununod sa gingharian nga iyang gisaad kanila nga nagahigugma kaniya?

—Santiago 2:5b

Tungod Sa Kaluwasan Gikan Sa Sala

Ug kamo sayud nga kadto siya gipadayag aron sa pagkuha sa mga kasal-anan, ug diha kaniya wala ing sala. —1 Juan 3:5

Tungod Sa Kaluwasan Gikan Sa Pagkalaglag

“Ug ang aso sa ilang kasakit magautbo hangtud sa kahangturan; ug sila dili makatagamtam sa pahulay, sa magabii ug sa maadlaw, sila nga mosimba sa mapintas nga mananap ug sa iyang laranwan, ug ang bisan kinsa nga minar-kahan sa iyang ngalan.”

—Pinadayag 14:11

Tungod Sa Madagayaon Nga Kaluwasan

Ug kita sayud nga ang Anak sa Dios mianhi ug mihatag kanatog salabutan sa pag-ila kaniya nga mao ang matuod; ug kita anaa kaniya nga mao ang matuod, diha sa iyang Anak nga si Jesu-Cristo. Ki-

ni siya mao ang matuod nga Dios ug kinabuhi nga dayon.

—1 Juan 5:20

Tungod Sa Seguro Ug Tunhay Nga Kaluwasan

“Ang akong mga karnero naga-patalinghug sa akong tingog, ug ako nakaila kanila, ug sila nagasunod kanako. Ug ginahatagan ko silag kinabuhing dayon, ug sila dili gayud malaglag, ug walay bisan kinsa nga magaagaw kanila gikan sa akong kamot.” —Juan 10:27, 28

“Ug ang kinabuhing dayon mao kini, ang ilang pagpakaila kanimo nga mao ang bugtong tinuod nga Dios, ug kang Jesu-Cristo nga imong pinadala.” —Juan 17:3

Tungod Sa Tawag Sa Paghinulsol

Ug sa pagkadungog ni Jesus niini, siya miingon kanila, “Ang mga maayo rag lawas wala magkinahanglan ug mananambal, kondili ang mga masakiton; ako mianhi dili sa pagtawag sa mga matarung, kondili sa mga makasasala.” —Marcos 2:17

Tungod Sa Kaluwasan Pinaagi Sa Pagtuo Ni Jesus

Ug kaniya mitubag sila nga nag-ingon, “Tumoo ka sa Ginoong Jesus ug maluwas ka, ikaw ug ang imong panimalay.”

—Mga Buhat 16:31

***Tungod Sa Pagkuha Sa Kalala
Gikan Sa Kamatayon***

“O Kamatayon, hain na ang imong pagkamadaugon? O kamatayon, hain na ang imong ikot?” Ang ikot sa kamatayon mao ang sala, ug ang gahum sa sala mao ang kasugoan. Apan salamat sa Dios nga mao ang nagahatag kanato sa kadaugan pinaagi sa atong Ginoong Jesu-Cristo.

—1 Mga Taga-Corinto 15:55-57

***Tungod Sa Usa Lamang Ka
Dalan Sa Kaluwasan***

... Jesus ... kaniya, “Sa pagkatinuod, sa pagkatinuod, magalingon ako kanimo, gawas kon ang tawo igaanak pag-usab, dili siya

makakita sa gingharian sa Dios.”
—Juan 3:3

***Tungod Sa Balaang Kusog
Ug Awit***

Si Jehova mao ang akong kalig-onan ug alawiton, ug nahimo nga akong kaluwasan: kini mao ang akong Dios, ug ako magadalayeg kaniya: ang Dios sa akong amahan, ug igapataas ko siya.

—Exodo 15:2

***Tungod Sa Pakig-ambitay Uban
Ni Kristo***

Kadto nga among nakita ug nangungog among ginamantala usab kaninyo, aron kamo usab makabaton sa pakig-ambitay uban kanamo; ug ang atong pakig-ambitay

maoy pakig-ambitay uban sa Amahan ug sa iyang Anak nga si Jesu-Cristo. —1 Juan 1:3

“Tan-awa, nagatingdog ako sa pultahan ug nagatuktok; kon may magapatalinghug sa akong tingog ug moabli sa pultahan, kaniya mosulod ako ug makigsalo ako sa pagkaon uban kaniya, ug siya uban kanako.” —Pinadayag 3:20

Si Jehova haduol kanilang tanan nga nanagsangpit kaniya, sa tanan nga nanagsangpit kaniya sa kamatuoran. —Salmo 145:18

“Kay diin gani ang duha kon tulo magakatigum sa akong ngalan, anaa ako sa ilang taliwala.” —Mateo 18:20

Ang Dios kasaligan ug pinaagi kaniya kamo gipanagtawag ngadto sa pakig-ambitay kauban sa iyang Anak nga si Jesu-Cristo nga atong Ginoo.

—1 Mga Taga-Corinto 1:9

“Niadto unyang adlaw a inyong masuta nga ako anaa sa akong Amahan, ug nga kamo ania kanako, ug nga ako anaa kaninyo.”

—Juan 14:20

Ang tanan nga nagabantay sa iyang mga sugo nagapabilin diha kaniya, ug siya diha kanila. Nga siya nagapabilin kanato, kita nahibalo pinaagi niini: tungod kay ang Espiritu iya mang gihatag kanato. —1 Juan 3:24

***Dayegon Siya Sa Hilabihan
Tungod Sa: Iyang Pagkamata-
rong Ug Kaluwasan***

Apan ako magapadayon sa pag-laum, ug magadugang gayud ang akong pagdayeg kanimo. Ang akong baba magamantala sa imong pagkamatarung, ug sa imong kaluwasan sa tibook nga adlaw. Ang imong pagkamatarung usab, Oh Dios, hataas kaayo; ikaw nga nagabuhat ug mga dagkung butang, Oh Dios, kinsa ba ang ingon kanimo?

—Salmo 71:14, 15a, 19

***Kalinaw Diha Ni Jesus,
Ang Madaugon***

“Gisulti ko kini kaninyo aron nga dinhi kanako makabaton ka-

mog kalinaw. Dinhi sa kalibutan aduna kamoy kagul-anan; apan sumalig kamo, gidaug ko na ang kalibutan.” —Juan 16:33

Kaisog Uban Sa Dugo Ni Jesus

Mga igsoon, sanglit may pagsalig man kita sa pagsulod sa Dapit nga Balaan pinaagi sa dugo ni Jesus, pinaagi sa bag-o ug buhi nga agianan nga iyang gibuksan alang kanato lahus sa tabil, nga sa ato pa, pinaagi sa iyang lawas.

—Mga Hebreohanon 10:19, 20

Kaluwasan Ug Kasibot

Nga mihatag sa iyang kaugalingon alang kanato aron sa paglukat kanato gikan sa tanang pagkadautan, ug sa pagputli, alang

sa iyang kaugalingon, sa usa ka katawhan nga mahimong iya gayud, nga mga masibuton sa maayong binuhatan. —Tito 2:14

Oh dayega ninyo, mga katawhan, ang atong Dios, ug himoa nga madungog ang tingog sa pagdayeg kaniya. —Salmo 66:8

ANG GINOO MAOY AKONG PAGDAYEG

Ayoha ako, Oh Jehova, ug ako mamaayo; luwasa ako, ug ako mamaluwas: kay ikaw mao ang akong pagdayeg. —Jeremias 17:14

Siya Mao Ang Way Katapusan Kong Paglaom

Nga magapaabut sa atong bula-han nga paglaum, sa pagpadayag sa himaya ni Jesu-Cristo nga atong dakung Dios ug Manluwas. —Tito 2:13

Siya Mao Ang Way Katapusang Kinabuhi

“Sanglit gihatagan mo man siyag kagahum ibabaw sa tanang katawhan aron sa paghatag ug kinabuhing dayon ngadto sa tanan nga imong gikatugyan kaniya.” —Juan 17:2

Mga Bunga Sa Katarong Pinaagi Kaniya

Nga puno sa mga bunga sa pagkamatarung nga abut pinaagi

kang Jesu-Cristo, alang sa himaya ug pagdalayeg ngadto sa Dios.
—Mga Taga-Filipos 1:11

Ug sa sulod sa templo miduol kaniya ang mga buta ug mga bakul, ug iyang giayo sila. Apan sa diha nga ang mga sacerdote nga punoan ug ang mga escriba nakakita sa mga kahibulongang butang nga iyang gibuhay, ug sa

mga kabataan nga nanaghugyaw sulod sa templo, nga nanag-ingon, “Hosanna sa Anak ni David!” sila nangasuko; ug sila miingon kaniya, “Nakabati ka ba sa ilang ginaingon?” Ug si Jesus mitubag, “Oo; ug wala ba gayud kamo makabasa niini: ‘Gikan sa baba sa mga gagmayng bata ug sa mga masoso gihatud mo ang nahingpit nga pagdalayeg?’” —Mateo 21:14-16

PAGDAYEG TALIWALA SA PAGSULAY SA PAGTUO

Nga mga ginabantayan sa gahum sa Dios pinaagi sa pagtoo alang sa kaluwasan nga andam na aron igapadayag unya sa kinaulahi pang panahon. Kini igakalipay

ninyog daku, bisan tuod nga karon inyong pagaantuson sa makadiyot ang nagkalainlaing mga pagsulay. —1 Pedro 1:5, 6

Ug gikan sa atubangan sa San-

hedrin sila namahawa, mga malipayon nga giisip sila nga angayan diayng pakaulawan tungod sa iyang ngalan. —Mga Buhat 5:41

Ingon nga mga masulob-on, ngani sa kanunay nagamalipayon; ingon nga mga kabus, ngani naga-padato sa daghan; ingon nga mga walay diyot, ngani nakabaton sa tanang mga butang.

—2 Mga Taga-Corinto 6:10

Ug nga kon kita mga anak, nan, mga manununod diay kita, mga manununod sa Dios ug mga isig-kamanununod uban kang Cristo, kon moantus man kita uban kani-

ya aron pagahimayaon usab kita uban kaniya.

—Mga Taga-Roma 8:17

Mga igsoon, ingon nga panig-ingnan sa pag-antus ug pagpailub, palandunga ang mga profeta nga nanagsulti tungod sa ngalan sa Ginoo. Tan-awa, ginahimo ta ang pagpahalipay kanila nga nagpakaantus.

—Santiago 5:10, 11a

Kay kining magaan ug lumalabay nga kasakit nagaandam alang kanamo sa labihan gayud kadaku ug walay katapusang gi-bug-aton sa himaya.

—2 Mga Taga-Corinto 4:17

ATUBANGA ANG TANAN UBAN SA PAGPASALAMAT

... kondili magpapuno hinoon kamog Espiritu. Nga sa kanunay magpasalamat kamo sa Dios Amahan tungod sa tanang mga butang, sa ngalan sa atong Ginoong Jesu-Cristo.

—Mga Taga-Efeso 5:18b ug 20

Ug bisan unsay inyong pagabuhaton, sa pulong o sa buhat, buhata ang tanan sa ngalan sa Ginoong Jesus, nga magahatag kamo sa mga pagpasalamat ngadto sa Dios nga Amahan pinaagi kaniya.

—Mga Taga-Colosas 3:17

Ayaw kamo pagkabalaka mahitungod sa bisan unsang butang, hinonoa sa tanang butang ipahi-

balo ninyo sa Dios ang inyong mga hangyo pinaagi sa pag-ampo ug sa pagpangamuyo uban sa pagpasalamat.—Mga Taga-Filipos 4:6

Magahalad ka sa Dios ug halad-sa-pasalamat; ug magabayad ka sa imong mga panaad ngadto sa Hataas Uyamut; ug tawgon mo ako sa adlaw sa kalisdanan: Pagaluwason ko ikaw, ug ikaw magahimaya kanako. —Salmo 50:14, 15

Kabubut-on Kini Sa Dios

Pagmapasalamaton kamo sa tanang higayon; kay kini mao ang pagbuot sa Dios diha kang Cristo Jesus, alang kaninyo.

—1 Mga Taga-Tesalonica 5:18

Ang Dalan Sa Pagduol Sa Dios
Sumulod kamo ngadto sa iyang mga ganghaan uban ang pasalamat, ug ngadto sa iyang mga sa-

wang uban ang pagdayeg; ihatag ang mga pasalamat ngadto kaniya, ug dayegon ninyo ang iyang ngalan.
—Salmo 100:4

DAYEGON ANG GINOO!

**Tungod Sa Iyang Libre, Way
Katapusang Grasya Nga
Hilabihan Ug Kahimayaan**

Sila pagamatarungon pinaagi sa iyang grasya ingon nga gasa, pinasikad sa pagkatinubos tungod kang Cristo Jesus.

—Mga Taga-Roma 3:24

**Tungod Sa Pagkagawasnon
Gikan Sa Sala**

Diha kaniya kita may katubsananan pinaagi sa iyang dugo, may

kapasayloan alang sa atong mga paglapas, sumala sa kadagaya sa grasya sa Dios. —Mga Taga-Efeso 1:7

**Tungod Sa Pagkagawasnon
Gikan Sa Kamatayon**

Aron nga maingon nga ang sala mihari diha sa kamatayon, ang grasya usab pinaagi sa pagkamatarung magahari ngadto sa kinabuhing dayon pinaagi kang Jesu-Cristo nga atong Ginoo.

—Mga Taga-Roma 5:21

***Tungod Sa Pagkagawasnon
Gikan Sa Pagkamanununod
Sa Dautan***

Aron kita mamatarung pinaagi sa iyang grasya ug mahimong mga manununod sa kinabuhing dayon sumala sa ginalauman.

—Tito 3:7

***Tungod Sa Pagkagawasnon
Gikan Ni Satan***

“ ‘Aron sa pagpabuka sa ilang mga mata, aron sila managpamali

gikan sa kangitngit ngadto sa kahayag ug gikan sa kagamhanan ni Satan ngadto sa Dios, aron mapasaylo ang ilang mga sala ug managdawat sila sa ilang bahin diha sa mga nangahimong balaan pinaagi sa pagsalig kanako.’ ”

—Mga Buhat 26:18

Busa magpasakop kamo nga masinugtanon sa Dios; apan sukli ninyo ang yawa, ug kini siya mo-karatil pagdalagan gikan kaninyo.

—Santiago 4:7

DAYEGON SIYA TUNGOD NING MAONG RELASYON

***Higala Kita Sa Labawng
Makagagahom***

Kamo mga higala nako kon

magatuman kamo sa akong isugo kaninyo.

—Juan 15:14

Kita Mga Anak Sa Dios

Kay ang tanang ginamandoan sa Espiritu sa Dios, mga anak sila sa Dios. —Mga Taga-Roma 8:14

Mga Sinugo Tungod Ni Kristo

Busa kami mga tinugyanan nga pinadala ni Cristo, nga pinaagi kanamo ang Dios nagahimo sa iyang paghangyo kaninyo.

—2 Mga Taga-Corinto 5:20a

Kita Mga Hari Ug Mga Pari

Ug naghimo kanato nga usa ka gingharian, mga sacerdote ngadto sa iyang Dios ug Amahan—kaniya ang himaya ug ang pang-gahum hangtud sa kahangturan. Amen. —Pinadayag 1:6

Sakop Sa Lawas Ni Kristo

Sanglit mga bahin man kita sa iyang lawas.

—Mga Taga-Efeso 5:30

Pangasaw-onon Sa Karnero Sa Dios

“... kay ang kasal sa Cordero nahiabut na, ug ang iyang Pangasaw-onon nakaandam na sa iyang kaugalingon.” Bulahan ang mga gipangdapit ngadto sa panihapon sa kasal sa Cordero.” Ug siya mi-
ingon kanako, “Kini maoy tinuod nga mga pulong sa Dios.”

—Pinadayag 19:7b ug 9b

PAGDAYEG, KABAHIN SA KATILINGBANONG PAGSIMBA

Magapasalamat ako kanimo diha sa daku nga katilingban: Pagadayegon ko ikaw sa taliwala sa daghang katawohan. —Salmo 35:18

Oh nga managdayeg unta ang mga tawo kang Jehova, tungod sa iyang mahigugmaong-kalolot, ug tungod sa iyang mga katingalahang buhat alang sa mga anak sa mga tawo! Ipabayaw usab kanila siya diha sa katilingban sa katawohan. —Salmo 107:31, 32a

Bayawa ninyo ang inyong mga kamot ngadto sa balaang puloyanan, ug dayegon ninyo si Jehova. —Salmo 134:2

Dios nga hilabihan pagkamakalilisang sa katilingban sa mga balaan, ug takus kahadlokan ibabaw niadtong tanan nga nanaglibut kaniya? —Salmo 89:7

Dayegon ninyo si Jehova. Panag-awit kamo kang Jehova ug bag-ong alawiton, ug ang iyang pagdayeg diha sa katilingban sa mga balaan. —Salmo 149:1

Magahatag ako ug dagkung mga pasalamat ngadto kang Jehova pinaagi sa akong baba; oo, pagadayegon ko siya sa taliwala sa panon sa katawohan. —Salmo 109:30

Dayegon ninyo si Jehova. Dayegon ninyo ang ngalan ni Jehova; dayega siya, Oh kamong mga alagad ni Jehova. Kamo nga na-

nagtindog sa balay ni Jehova, diha sa mga sawang sa balay sa atong Dios.

—Salmo 135:1, 2

AWITI UG PAGDAYEG ANG GINOO

Ug nagbutang siya sa akong baba ug alawiton nga bag-o, bisan ang pagdayeg sa atong Dios: Makakita niini ang daghan, ug mangahadlok sila, ug sila magasalig kang Jehova.

—Salmo 40:3

Magaawit ako kang Jehova, tungod kay nagatagad siya kanako sa madagayaon gayud.

—Salmo 13:6

Mag-awit kamo ug mga pagdayeg kang Jehova, nga nagapuyo

sa Sion: ipahayag ninyo sa katawohan ang iyang mga buhat.

—Salmo 9:11

Managhugyaw kamo nga malipayon alang kang Jehova, mga pumoluyo sa tanan nga yuta. Sa kalipay panag-alagad kamo kang Jehova: dumuol kamo sa presencia niya nga may pag-awit.

—Salmo 100:1, 2

Pagadayegon ko ang ngalan sa Dios uban sa usa awit, ug pagapa-

dakuon siya uban sa pagpasalamat.
—Salmo 69:30

Busa pagapasalamatan ko ikaw sa taliwala sa mga nasud, Oh Jehova, ug pagaawiton ko ang mga pagdayeg sa imong ngalan.

—Salmo 18:49

Apan sa may pagkatungang gabii si Pablo ug si Silas nanag-ampo, ug nanag-awit silag mga ala-

witon ngadto sa Dios, ug ang mga binilanggo nanagpatalinghug kanila. Ug sa kalit miabut ang usa ka makusog nga linog, nga tungod niana nauyog ang mga patukoranan sa bilanggoan; ug dihaduha naabli ang tanang pultahan ug nangatangtang ang mga talikala sa matag-usa.

—Mga Buhat 16:25, 26

ANGAY SIYA SA DAKOAYNG PAGDAYEG

Gamhanan si Jehova, ug dalayegon gayud sa pag-ayo, sa ciudad sa atong Dios, sa iyang bukid nga balaan.
—Salmo 48:1

Pagmaya sa hilabihan uyamut, Oh anak nga babaye sa Sion; pag-

singgit, Oh anak nga babaye sa Jerusalem: ania karon, ang imong hari nagaanhi kanimo; siya matarung man ug adunay kaluwasan.

—Zacarias 9:9a

Padayega kanimo ang mga ka-

tawohan, Oh Dios; padayega kani-
mo ang mga katawohan nga ta-
nan. —Salmo 67:3

Ang tanang mga nasud nga i-
mong gibuhat moanhi, ug mosim-
ba sa atubangan mo, Oh Ginoo; ug
sila managhimaya sa imong nga-
lan. Kay ikaw daku, ug nagabuhat
sa mga katingalahang butang:
ikaw lamang ang Dios.

—Salmo 86:9, 10

Kay daku si Jehova, ug takus
sa labing daku nga pagdayeg: Si-
ya takus pagakahadlokang ibabaw
sa tanang mga dios. —Salmo 96:4

Kay daku si Jehova, ug takus
nga pagadayegon ug daku; siya
usab kahadlokang labaw sa tanang
mga dios. Tungod kay ang tanang

mga dios sa mga katawohan mga
diosdios: apan si Jehova nagbu-
hat sa mga langit. Kadungganang
ug pagkahalangdon anaa sa atu-
bangan niya; kusog ug kalipay
anaa sa iyang dapit.

—1 Mga Cronicas 16:25-27

Apan papaglipaya kadtong ta-
nan nga nanagsalig kanimo; sa gi-
hapon pasinggita sila sa kalipay,
tungod kay ginalabanan mo sila:
pasagdi nga maglipay usab diha
kanimo ang mga nahagugma sa
imong ngalan. —Salmo 5:11

Tungod kay ang imong mahi-
gugmaong-kalolot labi pang maa-
yo kay sa kinabuhi, ang akong
mga ngabil magadayeg kanimo.

—Salmo 63:3

MAKASALIG AKO SA AKONG DIOS HANGTOD SA KAHANGTURAN

Sumalig kamo kang Jehova sa walay katapusan; kay kang Jehova, bisan kang Jehova, anaa ang usa ka bato nga walay katapusan.

—Isaias 26:4

Ang walay katapusan nga Dios mao ang imong puloy-anan nga dapit, ug dinhi sa ilalum ang mga bukton nga walay katapusan.

—Deuteronomio 33:27a

Ang Dios mao ang atong dalangpanan ug kalig-on, madali nga katabang sa atong kalisdanan. Busa dili kami mahadlok, bisan ang yuta pagaalid-an, ug bisan ang mga bukid pagauyugon

ngadto sa kahiladman sa kadagatan; Bisin ang mga tubig niini magangulob ug mangalubog Adunay usa ka suba nga ang mga sapa niya makapahamuot sa ciudad sa Dios, ang balaang dapit sa mga tabernaculo sa Hataas Uyamut. Ang Dios anaa sa taliwala niya; siya dili matarug: ang Dios magatabang kaniya, ug kana himoon sa pagbanagbanag sa kabuntagon. Ang mga nasud naglungotlungot, ang mga gingharian giuyog: ang iyang tingog iyang gipalanog, ang yuta natunaw.

—Salmo 46:1-6

... siya imong paganganlan si Jesus. Siya mahimong bantugan ug pagatawgon nga Anak sa Labing Halangdon; ug kaniya igahatag sa Ginoong Dios ang trono sa

iyang amahan nga si David, ug iyang pagaharian ang banay ni Jacob hangtud sa kahangturan; ug walay pagkatapus ang iyang gingharian. —Lucas 1:31b-33

GIPI LI ARON MAGDAYEG KANG KRISTO SA HANGTOD

Ang Iglesia Naghimaya Kang Kristo Sa Hangtod

Kaniya maanaa ang himaya diha sa iglesia ug diha kang Cristo Jesus ngadto sa tanang mga kaliwatan hangtud sa kahangturan. Amen. —Mga Taga-Efeso 3:21

Ngadto sa bugtong Dios, nga atong Manluluwas pinaagi kang

Jesu-Cristo nga atong Ginoo, mayya ang himaya, pagkahalangdon, kagamhanan, pagbulot-an, sa wala pa ang tanang katuigan, ug karon, ug hangtud sa kahangturan. Amen. —Judas 25

Gipili Kita Niya Aron Magdayeg sa Iyang Himaya

Aron kitang mga unang nanag-

panoo kang Cristo magakinabuhi alang sa pagdayeg sa iyang himaya. Pinaagi kaniya, kamo usab, sa pagkadungog ninyo sa matuod nga pulong, sa Maayong Balita mahitungod sa pagluwas kaninyo, ug sa nanagpanoo na kamo kaniya, gitimrihan kamo, nga ang gitimri mao ang gisaad nga Espiritu Santo, nga mao ang patinga sa atong panulondon hangtud nga makapanag-iyang na kita niini, alang sa pagdayeg sa iyang himaya.

—Mga Taga-Efeso 1:12-14

Ug maoy akong pag-ampo nga unta ang inyong gugma mosamot pa sa pagdagaya sa kahibalo ug sa tanan nga pagpanabut, aron kamo sa kanunay magabutang sa inyong paguyon sa mga butang nga labing maayo, ug magmaputli ug dili masaway alang sa adlaw ni Cristo, nga puno sa mga bunga sa pagkamatarung nga abut pinaagi kang Jesu-Cristo, alang sa himaya ug pagdalayeg ngadto sa Dios.

—Mga Taga-Filipos 1:9-11

DAYEGA SIYA SA KANUNAY UG SA HANGTOD

Pagadayegon ko si Jehova sa tanang mga panahon: ang pag-

dayeg kaniya magakanunay sa akong baba.

—Salmo 34:1

Busa kami nga imong katawohan ug mga carnero sa imong sibibanan magahatag kanimo sa mga pasalamat sa walay katapusan: among igapasundayag ang imong mga pagdayeg sa tanang mga kaliwatan. —Salmo 79:13

... ug sa maadlaw ug sa magabii wala silay hunong sa pag-awit nga nagaingon, “Balaan, balaan, balaan, ang Ginoong Dios nga Makagagahum sa Tanan, nga mao ang sa kagahapon, ang sa karon, ug ang sa umalabut!” Ug sa diha nga ang mga buhing binuhat magahatag ug himaya ug pasidungog ug pasalamat ngadto kaniya nga nagalingkod sa trono, nga mao ang buhi hangtud sa ka-

hangturan, ang kaluhaag-upat ka mga anciano mohapa sa atubangan niadtong nagalingkod sa trono ug managsimba kaniya nga mao ang buhi hangtud sa kahangturan; ug ang ilang mga purong-purong ipangitsa nila ngadto sa atubangan sa trono, dungan sa pag-awit nga magaingon, “Takus ikaw, O among Ginoo ug Dios, sa pagdawat sa himaya ug dungog ug gahum, kay ikaw mao man ang nagbuhat sa tanang butang, ug pinaagi sa imong pagbulot-an milungtad ug nangahimo sila.”

—Pinadayag 4:8b-11

Apan pagadayegon nato si Jehova sukad karon ngadto sa uma-

labut ug sa walay katapusan. Da-
yegon ninyo si Jehova.

—Salmo 115:8

Samtang buhi pa ako magada-

yeg ako kang Jehova: magaaawit
ako ug mga pagdayeg sa akong
Dios samtang buhi pa ako.

—Salmo 146:2

SIMBAHA SI KRISTO KAY SIYA ANGAY

Ug nanag-awit sila sa usa ka
bag-ong awit nga naga-ingon,
“Takus ikaw sa pagkuha sa basa-
hong linukot ug sa pag-abli sa
iyang mga timri, kay ikaw mao
man ang gipatay ug pinaagi sa i-
mong dugo gilukat mo ang mga
tawo alang sa Dios, gikan sa ta-
nang kabanayan ug pinulongan ug
katawhan ug kanasuran, ug gihi-
mo mo sila nga usa ka gingharian
ug mga sacerdote ngadto sa atong

Dios, ug sila magahari sa ibabaw
sa yuta.” Unya mitan-aw ako, ug
diha sa libut sa trono ug sa mga
buhing binuhat ug sa mga ancia-
no, nabati ko ang tingog sa dag-
hang mga manolunda, nga ang gi-
daghanon kapid-an ka mga kapid-
an ug libo ka mga linibo, nga na-
nagingon sa makusog nga tingog,
“Ang Cordero nga gipatay takus
sa pagdawat ug gahum ug kadato
ug kinaadman ug kusog ug ka-

dungganan ug himaya ug pagdalayeg!” Ug nadungog ko ang tanang binuhat nga anaa sa langit ug sa yuta ug sa ilalum sa yuta ug anaa sa dagat, ug ang tanang dihaniini, nga nanag-ingon, “Ngadto kaniya nga nagalingkod sa trono ug ngadto sa Cordero, ang pagdalayeg ug ang kadungganan ug ang himaya ug ang gahum hangtud sa kahangturan!” Ug ang upat ka mga buhing binuhat nanag-ingon, “Amen!” ug ang mga anciano mihapa ug nanagsimba.

—Pinadayag 5:9-14

Ang kaluhaag-upat ka mga anciano mohapa sa atubangan niadtong nagalingkod sa trono ug ma-

nagsimba kaniya nga mao ang buhi hangtud sa kahangturan; ug ang ilang mga purongpurong ipangitsa nila ngadto sa atubangan sa trono, dungan sa pagawit nga magaingon, “Takus ikaw, O among Ginoo ug Dios, sa pagdawat sa himaya ug dungog ug gahum, kay ikaw mao man ang nagbuhat sa tanang butang, ug pinaagi sa imong pagbulot-an milungtad ug nangahimo sila.”

—Pinadayag 4:10, 11

Magatawag ako kang Jehova, nga angay nga pagadayegon: Busa ako mamaluwas gikan sa akong mga kaaway.

—2 Samuel 22:4

ESPIRITUHANONG GAHOM SA PAGDAYEG

Ang Dios nagpuyo sa mga pagdayeg sa Iyang pinili nga Katawhan. Ang tawo nga tinud-anay nga nagdayeg sa Dios gikan sa kasingkasing mahimong labawng mapuno sa Espiritu, kay ang Dios magpuyo man sa mga pagdayeg. Kini ang tino nga paagi aron maangkon ang dugang presensiya ug gahom sa Dios sa kinabuhi.

Ang Espirituhanong gahom gikan sa Ginoo nagagikan sa Iyang Espiritu (“pagpapuno sa Espiritu”); pinaagi sa Iyang Pulong, Iyang Dugo, Iyang Ngalan, Iyang Gugma; pinaagi sa masangputon, tinud-anayng pag-ampo sa tawong matarong; ug pinaagi sa pagsunod sa Dios. Ning maong libreto atong nakita ang laing sukod sa gahom—ang pagdayeg sa Ginoo. Ang labawng mga pagdayeg nga himoon sa usa ka tawo ngadto sa Dios, magadugang sa espirituhanong gahom nga maiya.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.
World Missionary Press, PO Box 120, New Paris, IN 46553-0120 USA

www.wmpress.org

1-17



Read booklets online or by App
www.wmp-readonline.org

1211 Cebuano PTL